



Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

Broj: 05-036-285/18
Sarajevo, 10.12.2018. godine

Na osnovu člana 70. Zakona o organizaciji organa uprave u F BiH („Sl. novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine («Sl. glasnik BiH» br.39/14), nakon provedenog Otvorenog postupka a na osnovu Preporuke Komisije za javnu nabavku br. 03-033-1292/18 od 07.12.2018. godine, Direktor Zavoda za izgradnju Kantona Sarajevo, **d o n o s i**

ODLUKU
o dodjeli ugovora

1. Ponude za „*Izradu Glavnog projekta sanacije klizišta na lokalitetu Višnjik 5 b, Općina Centar Sarajevo*“ ponuđača „**Design & QC**“ d.o.o. Sarajevo se **odbacuje** u skladu sa članom 68. stav (1) i stav (4) tačka i) Zakona o javnim nabavkama BiH („Službeni glasnik BiH“ br. 39/14) a ponuda Grupa ponuđača „**Ipsa Institut** d.o.o Sarajevo i **GeoAvas** d.o.o. Sarajevo“ **se odbacuje** u skladu sa članom 68. stav (1) i stav (4) tačka c) i i) Zakona o javnim nabavkama BiH („Službeni glasnik BiH“ br. 39/14).
2. Dodjeljuje se ponuđaču „**Winner project**“ d.o.o. Sarajevo ugovor za „*Izradu Glavnog projekta sanacije klizišta na lokalitetu Višnjik 5 b, Općina Centar Sarajevo*“ u vrijednosti **13.272,48 KM** sa PDV-om, obzirom da je u Otvorenom postupku javne nabavke podnio prihvatljivu ponudu sa najnižom cijenom, u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14).
3. Ova odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Na osnovu Odluke o pokretanju postupka javnog nadmetanja broj: 05-036-236/18 od 15.10.2018.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju i objavio Obavještenje o nabavci broj: 285-1-2-43-3-56/18 od 26.10.2018. godine na portalu javnih nabavki, te obavještenje u „Sl. glasniku BiH“ br. 81/18 od 16.11.2018. godine, za „*Izradu Glavnog projekta sanacije klizišta na lokalitetu Višnjik 5 b, Općina Centar Sarajevo*“.

Na osnovu objavljenog Obavještenja putem Otvorenog postupka, tendersku dokumentaciju preuzeli su: BBS Europe; e kapija d.o.o ; TQM D.O.O. Lukavac; Institut za građevinarstvo „IG“ Banja Luka; ARTING BH; Projekt ad; „Design & QC“ d.o.o. Sarajevo, „Geoput“ d.o.o. Banja Luka, JP za prostorno planiranje i uređenje grada „Zenice“ d.o.o. Zenica, IPSA Institut, Građevinski fakultet u Sarajevu i „Winner project“ d.o.o. Sarajevo, i Urbis Centar.

Iz Izvještaja Komisije i Zapisnika o ocjeni ponuda je vidljivo da se Komisija sastala dana 19.11.2018.godine, radi preuzimanja i otvaranja ponuda za „*Izradu Glavnog projekta sanacije klizišta na lokalitetu Višnjik 5 b, Općina Centar Sarajevo*“ koju su podnijeli ponuđači: „**Design & QC**“ d.o.o. Sarajevo, „**Winner project**“ d.o.o. Sarajevo i Grupa ponuđača „**Ipsa Institut** d.o.o Sarajevo i **GeoAvas** d.o.o. Sarajevo“.

Komisija je otvorila ponude svih ponuđača i iz „Obrasca za cijenu ponude“ i „Obrazca za ponudu“ pročitala ponuđenu cijenu ponuda, dok su rokovi izrade usluge, uslovi i način plaćanja bili zadati tenderskom



e-mail: zik@zik.ks.gov.ba, <http://zik.ks.gov.ba>
Tel: + 387 (0) 33 254-900, + 387 (0) 33 254-945,
+ 387 (0) 33 254-921
Fax: + 387 (0) 33 226-523
Sarajevo, Kaptol 3



Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

dokumentacijom. Ostale dokumente na javnom otvaranju ponuda Komisija nije pregledala. Na otvaranje ponuda nije bilo predstavnika ponuđača.

Iz Izvještaja Komisije i Zapisnika o ocjeni ponuda također je vidljivo da se Komisija ponovo sastala dana 27.11.2018.godine i 07.12.2018. radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih usluga.

Komisija je konstatovala slijedeće:

- Uvidom u ponudu ponuđača „**Design & QC**“ d.o.o. Sarajevo Komisija je konstatovala slijedeće:
 - Ponuđač je u svojoj ponudi dostavio ugovor o poslovno tehničkoj saradnji sa JU „Institut za urbanizam, građevinarstvo i ekologiju RS“ i za njihovu laboratoriju Certifikat o akreditaciji „Bata“ i Rješenje o produženju važenja akreditacije do **08.11.2018 godine**, te je Komisija konstatovala da je rok važenja certifikata istekao i da ponuđač nezadovoljava tačku 13.4. stav e) (Prilog 06) Tenderske dokumentacije u kojoj je navedeno „...u slučaju da ponuđač nema vlastitu akreditovanu laboratoriju, potrebno je dostaviti sporazum o angažovanju/iznajmljivanju druge akreditovane laboratorije sa važećim certifikatom o akreditaciji laboratorije izdat od nadležne institucije“.

Shodno navedenom Komisija je zauzela stav da se ponuda ponuđača „**Design & QC**“ d.o.o. Sarajevo **odbaci** u skladu sa članom 68. stav (1) i stav (4) tačka i) Zakona o javnim nabavkama BiH („Službeni glasnik BiH“ br. 39/14)

- Ponuđač „**Winner project**“ d.o.o. Sarajevo je dostavio tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2, 13.3. i 13.14 tenderske dokumentacije i dostavio potrebne dokumente u skladu sa tačkom 14. tenderske dokumentacije, kao i tehnički ispravnu ponudu, pa je ponuda navedenog ponuđača **prihvaćena**.

Uvidom u ponudu ponuđača Grupa ponuđača „**Ipsa Institut** d.o.o Sarajevo i **GeoAvas** d.o.o. Sarajevo“ Komisija je konstatovala slijedeće:

- Ponuđač je u svojoj ponudi za člana Grupe **GeoAvas** d.o.o. Sarajevo dostavio Upotrebnu dozvolu za bušaču garnituru „BL -150/GDR -150“ izdatu od Institut za zaštitu, ekologiju i obrazovanje dd Tuzla broj isprave: 4362/I -15 sa datumom i mjestom izdavanja isprave: Tuzla, **20.07.2015. godine**. Komisija je dana 03.12.2018.g. uputila zahtjev ponuđaču da dostavi pojašnjenje da li je predmetni dokument važeći na osnovu Zakona o zaštiti na radu („Sl.listSR BiH“, broj 22/90) i da li je u skladu sa članom 5. Pravilnika o načinu i postupanju vršenja periodičnog pregleda i ispitivanja iz oblasti zaštite na radu („Službeni list SR BiH“ br.2/91), odnosno da li je posebnim propisima ili uputstvom proizvođača bušaće garniture produžen rok za periodični pregled iste. U ostavljenom roku od tri dana ponuđač nije dostavio traženo pojašnjenje ponude. Komisija je konstatovala da ponuđač ne ispunjava tačku 13.4. stav e) (Prilog 06) Tenderske dokumentacije u kojoj je navedeno „... sa važećom dozvolom izdatom od nadležne institucije“, u skladu sa članom 5. Pravilnika o načinu i postupanju vršenja periodičnog pregleda i ispitivanja iz oblasti zaštite na radu („Službeni list SR BiH“ br.2/91)
- Ponuđač nije upisao jedinične cijene u Predmjeru radova - Troškovnik (Prilog 03) u stavkama 15, 16, 17, 18, 19 nego je stavke dopunio sa upisom „paušal“ te nije ispunjen uslov iz tačke 14. i) Tenderske dokumentacije gdje je jasno naznačeno „*Predmjer – troškovnik treba biti ispunjen i ovjeren za kompletnu*





Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

specifikaciju sa jediničnim cijenama u KM, za sve stavke troškovnika, bez dopuna, jer će ponude koje nisu popunjene na taj način isključiti iz postupka dodjele ugovora.

Shodno navedenom Komisija je zauzela stav da se ponuda Grupa ponuđača „**Ipsa Institut** d.o.o Sarajevo i **GeoAvas** d.o.o. Sarajevo“ **odbaci** u skladu sa članom 68. stav (1) i stav (4) tačka c) i i) Zakona o javnim nabavkama BiH („Službeni glasnik BiH“ br. 39/14)

Nakon izvršene računске kontrole prihvaćene ponude utvrđeno je da ponuđači „**Winner project**“ d.o.o. Sarajevo dostavio računski ispravnu ponudu.

Komisija je u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br. 39/14), po kriteriju najniža cijena tehnički zadovoljavajuće ponude sačinila redoslijed prihvaćenih ponuda po osnovu cijena sa PDV-om:

1. „**Winner project**“ d.o.o. Sarajevo..... 13.272,48 KM sa PDV-om

Komisija je dala preporuku Ugovornom organu da se ponuda ponuđača „**Design & QC**“ d.o.o. Sarajevo **odbaci** u skladu sa članom 68. stav (1) i stav (4) tačka i) Zakona o javnim nabavkama BiH („Službeni glasnik BiH“ br. 39/14) a ponuda i Grupa ponuđača „**Ipsa Institut** d.o.o Sarajevo i **GeoAvas** d.o.o. Sarajevo“ **odbaci** u skladu sa članom 68. stav (1) i stav (4) tačka c) i i) Zakona o javnim nabavkama BiH („Službeni glasnik BiH“ br. 39/14), te da se u skladu sa članom 64. Stav (1) tačka b) Zakona o javnim nabavkama BiH („Službeni glasnik BiH“ br.39/14) i **dodijeli** ugovor za „**Izradu Glavnog projekta sanacije klizišta na lokalitetu Višnjik 5 b, Općina Centar Sarajevo**“ ponuđaču „**Winner project**“ d.o.o. Sarajevo pod rednim brojem 1. obzirom da je u Otvorenom postupku ponudio najnižu cijenu tehnički zadovoljavajuće ponude.

Shodno navedenom odlučeno je kao u dispozitivu.


POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi **putem Ugovornog organa**. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka. **Naknada za pokretanje žalbenog postupka iznosi 500,00 KM** a uplata iste se vrši u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

- Zapisnik o ocjeni ponuda

DOSTAVITI :

1. „**Design & QC**“ d.o.o. Sarajevo
2. Grupa ponuđača „**Ipsa Institut** d.o.o Sarajevo i **GeoAvas** d.o.o. Sarajevo
3. „**Winner project**“ d.o.o. Sarajevo



Po ovlaštenju Direktora:

Sadeta Kasiraj, dipl.ecc

Handwritten signature

